

唐詩別裁集

歸葉山房
石印

唐詩別裁集

卷之六

唐詩別裁集卷七

杜甫

觀打魚歌

綿州江水之東津。魴魚鱗鱗色勝銀。漁人漾舟沉大網。截江一擁數百鱗。衆魚常才盡却棄。赤鯉騰出如有神。潛龍無聲老蛟怒。迴風颯颯吹沙塵。饕子左右揮霜刀。鱸飛金盤白雪高。徐州秃尾不足憶。漢陰槎頭遠遁逃。魴魚肥美知第一。既飽歡娛亦蕭瑟。君不見朝來割素馨。咫尺波濤永相失。

又觀打魚

蒼江漁子清晨集。設網提網萬魚急。能者操舟疾若風。撐突波濤挺叉入。小魚脫漏不可記。半死半生猶戢戢。大魚傷損皆垂頭。屈強泥沙有時立。東津觀魚已再來。主人罷鱸還傾盃。日暮蛟龍改窟穴。山根鱸鮓隨雲雷。干戈兵革鬪未止。鳳凰麒麟安在哉。吾徒胡為縱此樂。暴殄天物聖所哀。

前首為老饕戒耳此更說到干戈兵革洪鍾無纖響也

短歌行

原注贈王郎司直

王郎酒酣拔劍斫地歌莫哀。我能拔爾抑塞磊落之奇才。豫樟翻風白日動。鯨魚跋

功名富貴何獨不然

惡其傷類再進一層

識也二內形



長洲沈德潛歸愚選

哥才
王欲入
蜀送別之
地

章留後
猶楚詞
之亂曰

字字勝
縣跳躍

霍王元
軌之子
伏未陵
畫馬王

浪滄溟。開且脫。佩劍休徘徊。西得諸侯棹錦水。欲向何門跼珠履。仲宣樓頭春色深。青眼高歌望吾子。眼中之人吾老矣。上下各五句。復用單句。相間此亦獨翻之格。言眼中之人紛紛不足比數而我年已老所望者惟吾子也。

桃竹杖引

原注贈張留侯

江中蟠石生桃竹。蒼波噴浸尺度足。斬根削皮如紫玉。江妃水仙惜不得。梓潼使君開一束。滿堂賓客皆歎息。憐我老病贈兩莖。出入爪甲鏗有聲。老夫復欲東南征。乘濤鼓枻白帝城。路幽必為鬼神奪。拔劍或與蛟龍爭。重為告曰。杖乃杖。爾之生也。甚正。直。慎勿見水。踴躍學變化。為龍使我不得爾之扶持。滅跡於君山湖上之青峰。噫。風塵澒洞兮。豺虎噬人。忽失雙杖。乃吾將曷從。橫絕一時。

韋諷錄事宅觀曹將軍畫馬圖

國初已來畫鞍馬。神妙獨數江都王。將軍得名三十載。人間又見真乘黃。曾貌先帝照夜白。龍池十日飛霹靂。內府殷紅瑪瑙盤。婕妤傳詔才人索。盤賜將軍拜舞歸。輕紈細綺相追飛。貴戚權門得筆跡。始覺屏障生光輝。昔日太宗拳毛騶。近時郭家師子花。今之新圖有一馬。復令識者久歎嗟。此皆騎戰一敵萬。緇素漠漠開風沙。其餘七匹亦殊絕。迥若寒空動煙雪。霜蹄蹴踏長楸間。馬官廂養森成列。可憐九馬爭神

才德並
見以穆
以明皇
武比漢
明皇陵

不以正
統與之
詩中史
筆以畫
人引起
神來紙
上如堆
身突出
反觀霸
之盡善
非必貶
幹也

仍歸畫
人左
霸為左
衛將軍
後削籍
雅間作

駿顧視清高氣深穩借問苦心愛者誰後有韋諷前支道憶昔巡幸新豐宮翠華拂
天來向東騰驤磊落三萬匹皆與此國筋骨同自從獻寶朝河宗無復射蛟江水中
君不見金粟堆前松柏裏龍媒去盡鳥呼風朝河宗言河宗朝而獻寶也用穆天子
之思陵懷不忘此題後拓開一步法

丹青引將軍贈曹

將軍魏武之子孫於今為庶為清門英雄割據雖已矣文采風流猶尚存學書初學
衛夫人但恨無過王右軍丹青不知老將至富貴於我如浮雲開元之中常引見承
恩數上南薰殿凌烟功臣少顏色將軍下筆開生面良相頭上進賢冠猛將腰間大
羽箭褒公鄂公毛髮動英姿颯爽來酣戰先帝天馬玉花驄畫工如山貌不同是日
牽來赤墀下迥立閭闔生長風詔謂將軍拂絹素意匠慘淡經營中斯須九重真龍
出一洗萬古凡馬空玉花却在御榻上榻上庭前屹相向至尊含笑催賜金圉人太
僕皆惆悵弟子韓幹早入室亦能畫馬窮殊相幹惟畫肉不畫骨恐使驂駒氣凋喪
將軍盡善蓋有神必達佳士亦寫真即今飄泊干戈際屢貌尋常行路人途窮反遭
俗眼白世上未有如公貧但看古來盛名下終日坎壈纏其身畫人畫馬實主相形
縱橫跌宕必得之于

心應之于手有化工
而無人力觀止矣

結

秋子璋
崔光遠
李與
見不宜
留蜀以
滋後亂

刺史
符御
留後自
謂吐審
明皇已
蒙塵故
云再蒙

戲作花卿歌

成都猛將有花卿。學語小兒知姓名。用如快鷲風火生。見賊惟多身始輕。綿州副使著柘黃。我卿掃除即日平。子璋觸血模糊手。提擲還崔大夫。李侯重有此節度。人道我卿絕世無。既稱絕世無天子。何不喚取守東都。李與出奔成都後復鎮東川故曰重有此節度也

冬狩行

原注時梓州刺史章彝兼侍御史留後東川

君不見東川節度兵馬雄。校獵亦似觀成功。夜發猛士三千人。清晨合圍步驟同。禽獸已斃十七八。殺聲落日迴蒼穹。幕前生致九青兕。駝駝嵒嵒垂玄熊。東西南北百里間。鬐髯蹴踏寒山空。有鳥名鸛鵒。力不能高飛。逐走蓬肉味不足登鼎俎。何為見羈虞羅中。春蒐冬狩候得同。使君五馬一馬驄。況今攝行大將權。號令頗有前賢風。飄然時危一老翁。十年厭見旌旗紅。喜君士卒甚整肅。為我迴轡擒西戎。草中狐兔盡。何益天子不在咸陽宮。朝廷雖無幽王禍。得不哀痛塵再蒙。言當敵虜王不宜以校獵自誇英武也大聲疾呼鬼神欲泣

閬山歌

閬州城東雪山白。閬州城北玉臺碧。松浮欲盡不盡雲。江動將崩未崩石。那知根無鬼神會。已覺氣與嵩華敵。中原格鬪且未歸。應結茅齋看青壁。

閨水歌

嘉陵江色何所似。石黛碧玉相因依。正憐日破浪花出。更復春從沙際歸。巴童蕩槳歌側過。水雞銜魚來去飛。閣中勝事可腸斷。閬州城南天下稀。

越王樓歌

太宗子越王貞任
蘇州刺史作此樓

綿州州府何磊落。顯慶中年越王作。孤城西北起高樓。碧瓦朱甍照城郭。樓下長江百丈清。江頭落日半輪明。君王舊跡今人賞。轉見千秋萬古情。詩彷彿王子安滕王閣見此老無所不有

折檻行

十八學
士
師德

嗚呼房魏不復見。秦王學士時難義。青衿胃子因泥塗。白馬將軍若雷電。千載少似朱雲人。至今折檻空嶙峋。婁公不語宋公語。尚憶先皇容直臣。永泰二年中官魚朝恩判國子監事故作

此詩言當時諸臣不能力爭任其橫行也
朝恩兼神策軍使故以白馬將軍比之

古柏行

此夔州
孔明廟
柏
此德成
都孔明
廟柏

孔明廟前有老柏。柯如青銅根如石。霜皮溜雨四十圍。黛色參天二千尺。君臣已與時際會。樹木猶為人愛惜。雲來氣接巫峽長。月出寒通雪山白。憶昨路繞錦城東。先王武侯同閔宮。崔嵬枝幹郊原古。窈窕丹靑戶牖空。落落盤踞雖得地。冥冥孤高多烈風。扶持自是神明力。正直原因造化功。大廈如傾要梁棟。萬牛迴首立山重。不露

為負才之士寫
之公自
此授契
而不見
用故發

此謀

若問作
結仍不
說盡

舞有劍
器胡旋
胡騰等
名則知
非舞劍
也後人
用誤者
多渾脫
舞石脫
音脫人
錯者讀

文章世已驚。未辭剪伐誰能送。苦心豈免容螻蟻。香葉終經宿鸞鳳。志士幽人莫怨嗟。古來材大難為用。中問時有整句與洗馬篇同格。○大木為棟。梁意人入有之從君臣際會者筆方見精采。

縛雞行

小奴縛雞向市賣。雞被縛急相喧爭。家中厭雞食蟲蟻。不知賣雞還遭烹。蟲雞於人何厚薄。吾叱奴人解其縛。雞蟲得失無了時。注目寒江倚山閣。

觀公孫大娘弟子舞劍器行并序

大歷二年十月十九日。夔州別駕元持宅。見臨穎李十二娘。舞劍器壯其蔚跂。問其所師。曰余公孫大娘弟子也。開元三載。余尚童稚。記於郾城。觀公孫氏舞劍渾脫。瀏漓頓挫。獨出冠時。自高頭宜春梨園二伎坊內人。洎外供奉。曉是舞者。聖文神武皇帝初。公孫一人而已。玉貌锦衣。况余白首。今茲弟子。亦匪盛顏。既辨其由來。知波瀾莫二。撫事慷慨。聊為劍器行。往者吳人張旭。善草書。書帖數常於鄴縣。見公孫大娘舞西河劍器。自此草書長進。豪蕩感激。即公孫可知矣。

昔有佳人公孫氏。一舞劍器動四方。觀者如山色沮喪。天地為之久低昂。燿如羿射九日落。矯如羣帝驂龍翔。來如雷霆收震怒。罷如江海凝清光。絳唇珠袖兩寂寞。晚

注重此

不忍遽去

苦縣有老子廟
光緒二年立

有弟子傳芬芳。臨潁美人在白帝。妙舞此曲神揚揚。與余問答既有以。感時撫事增
惋傷。先帝侍女八千人。公孫劍器初第一。五十年間似反掌。風塵瀕洞昏王室。梨園
子弟散如煙。女樂餘姿映寒日。金粟堆南木已拱。瞿塘石城草蕭瑟。玳筵急管曲復
終。樂極哀來月東出。老夫不知其所往。足繭荒山轉愁疾。
之。感。文。赴。飛。下。苦。就。題。還。題。有。何。興。會。

李潮八分小篆歌

蒼頡鳥跡既茫昧。字體變化如浮雲。陳倉石鼓又已訛。大小二篆生八分。秦有李斯
漢蔡邕。中間作者寂不聞。嶧山之碑野火焚。秦木傳刻肥失真。苦縣光和尚骨立。書
貴瘦硬方通神。惜哉李蔡不復得。吾甥李潮下筆親。尚書韓擇木。騎曹蔡有鄰。開元
已來數八分。潮也奄有二子成三人。況潮小篆逼秦相。快劍長戟森相向。八分一字
直百金。蛟龍盤盤拳肉低。強吳郡張顛誇草書。草書非古空雄壯。豈如吾甥不流宕。元
相中郎丈人行。已東逢李潮逾月。求我歌。我今衰老才力薄。潮乎潮乎奈汝何。

王兵馬使二角鷹

悲臺蕭颯石龍從。哀壑杈枒浩呼洶。中有萬里之長江。迴風隘日孤光動。角鷹翻倒
壯士臂。將軍玉帳軒勇氣。二鷹猛腦條徐墜。目如愁胡視天地。杉雞竹兔不自惜。溪

左右動羽各六

主意

東晉日
入命事
沉痛語
使人讀
不得

虎野羊俱辟易。韝上鋒稜十二副。將軍勇銳與之敵。將軍樹勳起安西。崑崙虞泉入馬蹄。白羽曾肉三狡獪。敢決豈不與之齊。荆南芮公得將軍。亦如角鷹下翔雲。惡鳥飛飛啄金屋。安得爾輩開其羣。驅出六合。梟驚分。應起於吾前。入手須如此落筆。

憶昔

憶昔開元全盛日。小邑猶藏萬家室。稻米流脂粟米白。公私倉庫俱豐實。九州道路無豺虎。遠行不勞吉日出。齊紉魯縞車班班。男耕女桑不相失。宮中聖人奏雲門。天下朋友皆膠漆。百餘年間未定變。叔孫禮樂蕭何律。豈聞一絹值萬錢。有田耕種今流血。洛陽宮殿燒焚盡。宗廟新除狐兔穴。傷心不忍問者舊。復恐初從亂。離說小臣魯鈍無所能。朝廷記憶蒙祿秩。周宣中興望我王。洒血江漢身衰疾。前據開元之威後教吐蕃之亂

未望我宗之中興也

陪王侍御同登東山最高頂宴姚通泉晚攜酒泛江

姚公美政誰與儔。不減昔時陳太丘。邑中上客有柱史。多暇日陪驄馬遊。東山高頂羅珍羞。下顧城郭消我憂。清江白日落欲盡。復攜美人登綠舟。笛聲怨憤哀中流。妙舞遙遙夜未休。燈前往往大魚出。聽曲低昂如有求。三更風起寒浪湧。取樂喧呼覺舡重。滿空星河光破碎。四座賓客色不動。請公臨深莫相違。迴舡罷酒上馬歸。人生

歡會。豈有極。無使霜露沾人衣。結出好樂毋荒意而措語蘊藉耐人咀吟

白鳧行

君不見黃鵠高於五尺童。化為白鳧似老翁。故畦遺穗已蕩盡。天寒日暮波濤中。鱗介腥膻素不食。終日忍飢西復東。魯門鷄鵲亦蹭蹬。聞道于今亦避風。是居今猶避風黃鵠忍飢

所固然也推闡作結感憤中復能安分

魏將軍歌

將軍昔著從事衫。鐵馬馳突重兩銜。被堅執銳畧西極。崑崙月窟東嶄巖。君門羽林萬猛士。忍若哮虎子所監。五年起家列霜戟。一日過海收風帆。平生流輩從蠢蠢。長安少年氣欲盡。魏侯骨聳精爽緊。華嶽峰尖見秋隼。星纏寶鉞金盤陀。夜騎天駟超天河。攬槍突感不敢動。翠鬣雲梢相蕩摩。吾為子起歌。都護酒闌插劍肝。膽露鈞陳蒼蒼玄武暮。萬歲千秋奉明主。臨江節士安足數。

醉歌行贈公安顏少府請願八分題壁

神仙中人不易得。顏氏之子才孤標。天馬長鳴待駕馭。秋鷹整翮當雲霄。君不見東吳顧文學。君不見西漢杜陵老。詩家筆勢君不嫌。詞翰升堂為君掃。是日霜風凍七澤。烏蠻落照銜赤壁。酒酣耳熱忘頭白。感君意氣無所惜。一為歌行歌主客。

范希在 兩而日 東者言 畧地至 極西 歸自西 海歸 馬歸 宋有丁 都護歌 漢有臨 江節士 歌 白謂指 顧詩每 有此種

接法

夜間簾櫳

夜聞簫聲滄江上。衰年側耳情所嚮。鄰舟一聽多感傷。塞曲三更歎悲壯。積雪飛霜此夜寒。孤燈急管復風滿。君知天地干戈滿。不見江湖行路難。干戈之行路之難。而以

王季友

酬李十六岐

鍊丹文武火未成。賣藥販履俱逃名。出谷迷行洛陽道。乘流醉臥滑臺城。城下故人久離怨。一歡適我兩家願。朝飲杖懸沽酒錢。暮餐囊有松花飯。于何車馬日憧憧。李膺門館爭登龍。千賓揖對若流水。五經發難若叩鐘。下筆新詩行滿壁。立談古人坐。在席問我草堂有臥雲。知我山儲無儋石。自耕自刈食為天。如鹿如麋飲野泉。亦知世上公卿貴。且養邱中草木年。車馬憧憧一段即所云世上公卿貴也

宿東谿十五山亭

上山下山入山谷。谿中落日留我宿。松石依依當主人。主人不在意亦足。名花出地兩重階。絕頂平天一小齋。本意由來是山水。何用相逢語舊懷。直白語自是真境

元結

宿丹崖翁宅

扁舟欲到瀧口湍。春水滿瀧上水難。投竿來泊丹崖下。得與崖翁盡一歡。丹崖之亭當石巔。破竹半山引寒泉。泉流掩映在木杪。有若白鳥飛林間。往往隨風作霧雨。澄人中履滿庭前。丹崖翁愛丹崖。棄官幾年崖下家。兒孫棹船抱酒甕。醉裏長歌揮釣

接竹引
水寫來
如畫

車。我將求退與翁遊。學翁歌醉在漁舟。官吏隨人往未得。卻望丹崖慙復羞。

洄溪招隱

即此是
山達虛
方大密
虛語也

長松亭亭滿四山。山間乳竇流清泉。洄溪正在此山裏。乳水松膏常灌田。松膏乳水
田肥良。稻苗如蒲米粒長。麋色如玳玉液酒。酒熟猶聞松節香。溪邊老翁年幾許。長
男頭白孫嫁女。問言只食松田米。無藥無方向人語。洄溪石下多泉源。盛夏大寒冬
大溫。屠蘇宜在水中石。洄溪一曲自當門。吾今欲作洄溪翁。誰能任我舍西東。勿憚
山深與地僻。羅浮尚有葛仙翁。

劉長卿

中唐詩客寥寥可數。故文房以未路一點。昌黎以前存十餘首。以志崖略。

銅雀臺

嬌愛更何日。高臺空數層。含啼映雙袖。不忍看西陵。漳水東流無復來。百花華路為
蒼苔。青樓月夜長寂寞。碧雲日暮空徘徊。君不見鄴中萬事非昔時。古人不在今人
悲。春風不逐君王去。草色年年舊宮路。宮中歌舞已浮雲。空指行人往來處。

入桂渚次砂牛石穴

不必嘲
笑老瞶
徒遠寫
去自存
詩品

扁舟傍歸路。日暮滿湘深。湘水清見底。楚雲淡無心。片帆落桂渚。獨夜依楓林。楓林
月出猿聲苦。桂渚天寒桂花吐。此中無處不堪愁。江客相看淚如雨。

待也

嚴陵釣臺送李康成赴江東使

滄滄子陵瀨。髣髴如在目。七里人已非。千年水空綠。新安江上孤帆遠。應逐楓林千萬轉。古臺落日共蕭條。寒水無波更清淺。臺上漁竿不復持。却令猿鳥向人悲。灘聲山翠至今在。蓬爾行舟晚泊時。

聽笛歌別鄭協律

舊遊憐我長沙謫。載酒沙頭送僊客。天涯望月自沾衣。江上何人復吹笛。橫笛能令孤客愁。綠波淡淡如不流。商聲寥亮羽聲苦。江天寂歷江楓秋。靜聽闌山聞一叫。三湘月色悲猿嘯。又吹楊柳激繁音。千里春色傷人心。隨風飄向何處落。唯見曲盡平湖深。明發與君離別後。馬上一聲堪白首。

錢起

送崔十三東遊

千里有同心。十年一會面。當杯緩箏柱。倏忽催離燕。丹鳳城頭噪晚鴉。行人馬首夕陽斜。灞上春風留別袂。關東新月宿誰家。官柳依依兩鄉色。誰能此別不相憶。

然流入
平調矣

送鄔三落第還鄉

起用單
句而以
兒知為
韻

人虎互
形毛髮
生動

郢客文章絕世稀。常嗟時命與心違。十年失路誰知己。千里思親獨遠歸。雲帆春水將何適。日愛東南暮山碧。關中新月對離樽。江上殘花待歸客。名宦無媒自古遲。窮途此別不堪悲。荷衣垂釣且安命。金馬招賢會有時。

郎士元

塞下曲

寶刀塞下兒。身經百戰曾百勝。壯心竟未嫖姚知。白草山頭日初沒。黃沙戍下悲歌發。蕭條夜靜邊風吹。獨倚營門望秋月。

盧綸

綸字允吉河中蒲人大歷初舉進士不第以元載薦授監察御史從韋渠官止檢校戶部郎中

臘日觀咸寧王部曲娑勒擒虎歌

山頭瞳瞳日將出。山下臘圓照初日。前林有獸未識名。將軍促騎無人聲。潛形蹤伏草不動。雙鵬轉旋羣鴉鳴。陰方質子才三十。譯語受詞蕃語揖。捨鞍解甲疾如風。人忽虎蹲獸人立。欻然扼額批其頤。爪牙委地涎淋漓。既蘇復吼拘成怒。果叶英謀生致之。拖自深叢目如電。萬夫失容千馬戰。傳呼賀拜聲相連。殺氣騰陵陰滿川。始知縛虎如縛鼠。敗寇降羗生眼前。祝爾嘉詞爾無苦。獻爾將隨犀象舞。苑中流水禁中

山期爾攬搏開天顏。非熊之兆慶無極。顧紀雄名傳百蠻。中間搏獸數語何減太史公敘鉅鹿之戰

劉禹錫

平蔡州三首

九衢車馬渾渾流。使臣來獻淮西囚。四夷聞風失匕箸。天子受賀登高樓。妖童擢髮不足數。血汗城西一抔土。南風無火楚澤閒。夜行不鎖穆陵關。策勲禮畢天下泰。猛士按劍看常山。時惟常山不庭

蔡州城中衆心死。妖星夜落照壕水。漢家飛將下天來。馬箠一揮門洞開。賊徒奔騰望旗拜。有若羣蟄驚春雷。狂童面縛登檻車。太白夭矯垂捷書。相公從容來鎮撫。常侍郊迎負文弩。西人歸業閭里閒。小兒跳踉健兒舞。

汝南晨雞喔喔鳴。城頭鼓角音和平。路傍老人憶舊事。相與感激涕零零。老人收泣前致辭。官軍入城人不知。忽驚元和十二載。喜見天寶承平時。紀事云夢得曰柳八

云左餐右粥何如我平淮西雅云仰父俯子韓碑兼有帽子使我為之便說用兵伐叛矣韓碑雅各有所長余詩有云汝南晨雞喔喔鳴城中鼓角聲和乎美時之入蔡城也須臾之間賊無覺者又落句云忽驚元和十二載重見天寶承平時以見平淮之年云○紀事語不足憑究之柳雅劉詩達進韓碑李義山詩可取而証也

韋應物